

隨園全集

詩集補遺

小倉山房詩集卷三十五



錢塘袁枚子才

福敬齋孫補山兩相國和希齋大司空惠瑤圃制府同征西藏軍中各寄見懷之作賦

詩答謝孫公詩及答謝詩已刻集中故不再錄

答敬齋公相

聖世韋平兩代賢瑤華來自大西天百僚誰敢奔趨後一士偏蒙淑問先塞上風雲搖彩筆

山中熏沐展長箋梅花香裏千回讀繞屋光生五色烟弱冠終軍早請纓旌旗所到將

星明崆峒挂劍碑留字蠻海班師浪洗兵招引降王朝紫闕領安南國王入朝平反冤獄活蒼生

廣東黃養水一案卿雲直把山河覆豈止朝朝捧日行履曳星辰下殿遲黃銀腰帶好威儀千

金有賞如揮土萬馬無聲聽詠詩已作鹽梅調鼎鼐更懸冰鏡照茅茨箕山潁水巢由事都

被臯夔一笑知記識先公玉殿旁非常矜寵夢難忘掃門未得瞻麟角芳訊猶通及

鴈行謂我齋公半世因緣誰介紹一門天性愛文章執鞭莫笑侯嬴老留與他生願轉長

附來詩并來札

余自束髮時即耳隨園名知為當代作者而南北相睽不得一見心輒向往甲辰春扈

從金陵思一訪隨園適奉命他往遂不果今又將十年矣向見隨園詩話新齊諧二

書雖遊戲之筆而標新領異已遠勝滄浪虞初諸書攜之行篋把玩不置茲來衛藏軍

事之暇適補山相國瑤圃制軍咸共朝夕談次時及隨園和希齋大司空攜有小倉山

房全集因得讀之才氣浩瀚茫無津涯快為目所未覩余于役萬里征討絕域出青海

而眄碣石登昆侖以睇星宿復過衛藏以西數千里歷古未通中國之地殊形詭狀不可臆度惟隨園之才庶幾彷彿似之竊以余髫年侍直禁廷不及讀中祕書遊歷幾遍天下所過名山大川竟未能著所聞見形之詠歌讀隨園之詩乃不禁怦然動也聞補山相國適有札覆附寄四律亦以見傾倒之有素爾

獨開生面領騷壇萬首詩成墨未乾傳世何須一品集買山肯戀十年官諸天歡喜隨緣住泛宅烟波著意看曾是六朝金粉地此中容得老袁安敢誇旗鼓兩家軍蹤跡原

如歧路分客過元亭常載酒我從東野願爲雲聰明自占無雙福翰墨先收第一勳知否有人三藏地把君詩卷佛香薰曾識先人紫閣中披襟玉殿對和風士逢知己心

難忘誅善言情讀忍終

集中有先文忠公晚詩四首忠

君早歸田眞作達余慚專閫又從戎鴈行亦有相

知雅獨恨神交路未通

我曾有投贈之作

五嶽游成杖復搯壯懷仍似少年時赤城天

半標霞綺

隨園近作天

粵嶠春深壁荔枝

數年前開

跌盪未教閒蠟屐逢迎到處識霜髭

小倉山畔梅如海踏雪還將與鶴期

答和希齋大司空

星象三台動雲箋萬里來居高偏下士爲國自憐才五字長城重千秋隻眼開江淹斑管禿何以報瓊瑰少小聞詩禮通侯卽冠軍彎弓朱落鴈健筆李摩雲罷獵隨拈韻安邊更

策勳擎天兼捧日兄弟各平分

忘却天人貴甘居弟子行長途憐老馬古劍識干將招

隱心何切搗謙道愈光平生知己感東海水難量地位雲泥隔精神夢寐通光分青海月遠照白頭翁西笑儂無分南來日望公定知唐節度卽是漢司空

附來詩 井來札

隨園先生爲當代龍門余耳其名無由一見得小倉山房詩集讀而愛之攜置行篋日夕玩詠不輟得詩二首以誌服膺

不信紅塵裏神仙攜眷居曠觀百歲事大隱六朝墟天女皆從學開多女梅花伴讀書隨園

百有株世間饒熟客應亦薄金魚數卷倉山集先生道性靈錦心羅萬象妙手運無

形侯合依前席彭應侍後庭因緣知有日天不墮文星予向墓有年自合在弟子之列今

幸領教正有日也

答瑤圃中丞

聞昔裴令公金甲受降時念及香山叟軍中常寄詩我公鎮西域笳鼓連天響亦復懷隨園秋水兼葭想先和生挽詩再和告存作愛之欲其生高歌相延祝我如深秋草含霜翻得露公如佛國雲萬里相遮護有緣公漸近移旌來漢陽中有紅鯉魚銜書可寄將相思渺無極相見知何日黃鶴樓雖高借鶴騎不得安得吹公來江右擁八騶鳳鳴野鳥答一笑三千秋

附來詩 井札

余與隨園先生向有唱酬之作實則宦轍東西未展嘉觀也壬子臘尾余因凱旋駐前藏從補山相國處讀其除夕告存詩七首若嘲若解較淵明自挽尤爲作達古人云相由心生從此知術士之說不足憑而先生瀟傲江湖浮登上壽余益竊幸奉教之有日也爰次其韻以廣先生之意並博噓噓焉

除夕人家百事忙先生讀易辨陰陽待他漏盡無消息一笑濃薰五木湯 紅男綠女

共相扶酒勸屠蘇倒玉壺浩劫已隨殘臘去倩誰一寫再生圖

休悵斜陽近暮天柳

枝雖老任吹綿從茲避得黃楊厄此後光陰不計年

豈緣姹女大丹成神鼎居然煉

七明我爲白頭添一笑冥官勾牒不教行

探春常泛青溪水選勝還游白下山竹杖

芒屨隨處好風吹不到鬼門關

相推生死豈皆靈此夜空教坐到明忘却點倉山舊

路閭羅原不管猿精

物外逍遙任舉頭恆河沙數記添籌天公留得文星在長管風

騷不管愁

錢

百物皆可愛惟錢最寡趣生時招不來死時帶不去

蒙瑤華主人寄贈二律恭答四章

九霄咳唾落烟霞氣湧祥雲筆吐花宗子久欽龍鳳質仙才多出帝王家汝陽眉宇天人

異蕭統文章錦帶夸瀟灑早忘金紫貴花箋書欸署瑤華

禮士親賢萬口傳一朝芳訊

到林泉能兼三絕詩書畫聽喚千聲儒佛仙道合何須煩介紹神交原不隔人天舉頭便見

梁園月何日抽豪命仲宣

記從弱冠試明光甲子推排六十霜白髮尙存唐進士彤廷

及見楚元王

己未挑選進士誠親王與和親王並坐

鄒枚接席知誰在雞犬還山壽轉長多謝

天孫貽玉尺

萬人如海教橫量

主尺人賜玉

東筍詩箋墨未消

蒙寄詩三十餘首

空山三月似聞韶周南已當

王風讀韓孟還將險韻挑

乖見贈詩用韻

賢比河間多著作勞非姬旦更逍遙野人瓦奏匏宣曲

敢和鈞天碧玉簫

附來詩井序

倉山太史寄隨園詩話見示奉答二首予與太史曾未謀面而數十年來耳熟先生之名者竟歲月相集神交既久寓懷於言

臘風吹玉到軒階半世知名悵晤乖近代徵明堪伯仲古人方朔有詼諧我慙雞鶩同登俎君自蛟龍早入懷五十年來林壑興想應靈藥井中埋漢廷梅福晉陶潛隱逸神

仙那得兼澹泊甯貪鐘鼎貴疎狂不惹宰官嫌汝南月旦時開帳白下雲峯盡入奩消息春風憑社燕年年芳草對銀蟾

寄懷阿雨臆轉運

福星一路頌鮮于儒者經綸自有餘飲水不糜度支費隨身祇有讀殘書張筵東閣花開後待鶴桐陰月上初公有桐陰待嘗罷鹽池心轉淡他年調鼎更何如千里神交未識荆

龍門初謁倍心傾幾回握手忘車笠一樣論詩重性情安放仙舟迎蠟展公命坐船在湖上伺候平分清俸送歸旌回頭尙戀蘇隄月只覺公來色更明

相國嵇文恭公輓詞

黃扉人去白雲鄉青史哀榮寫未央帝把重臣呼老伴公移生日避君王公改生日在聖壽之後

皇孫拜奠天家酒中使傳宣諭祭章千里銘旌官護送江流不及主恩長瀛洲

仙客盡趨門院公兼掌學士重宴瓊林又四春正色立朝風度好求賢若渴性情真漢廷久缺三公座秦誓終思一个臣公薨大學士缺試夾金甌掄指算先皇耆舊有何人七齡公

子貌妍華受茲侍講小字嘉宜招我傳經設絳紗通榜心勞梁補闕逢人口說賈長沙退朝陪喫先生饌公侍直南書房日賜宴分簪上苑花記撒金蓮歸娶日牙牌還借相公家歸娶有奉林

生饌公侍直南書房日賜宴分簪上苑花記撒金蓮歸娶日牙牌還借相公家歸娶有奉林

牌旨完烟
故借之

中年賤子賦南陔公亦思親乞假回兩處萱幃齊繞膝幾番賓主又銜杯山

塘一別黃壇遠

二十年
公虎邱作別

華表千年白鶴哀寄問九原隨武子何時叔向也歸來

謝鏡詩

井序

伯
余有鏡癖家藏古銅玻璃三十餘種每一張燈熒煌炫赫自以爲豪矣今年浙江方伯張松園先生投其所嗜以大洋鏡相貽如月到中天羣星盡避喜作一歌奉謝方伯

平生性愛金鏡朗三才萬象都成兩只愁量狹物難容未免太邱道不廣張公槃槃海樣才
水精菩薩空中來親喚波斯造大鏡神光閃鑠金銀臺月宮八萬四千戶頃刻吳剛斧鑿開
其高八尺橫六尺海水飛來堂上立身橫九畝可傳眞光照諸天如沃雪我來摩挲拜下風
一時兩個隨園翁主人大笑脫手贈教他二叟時相逢峨峨巨扁千夫扛讓鏡高臥占上艙
我如侍者蹲其旁揚子江心夜有光毒龍水怪齊遁藏入城先怕前途隘園丁高啟柴門待
果然雲母好屏風現出玻璃眞世界三千書卷斗然加十二金釵掠鬢鴉對面青山齊弄影
升堂白鶴誤銜花客來多怪先生巧海市蜃樓帶到家老幼欣欣恨見遲賓朋簇簇共題詩
鏡無招引花偏入我有樓臺鏡盡知風不能搖雲不掩看照兒孫到幾時千金難買奇珍供
遠近多傳顯者送但覺花開四壁榮誰知鰲戴三山重秦宮古製久聞名我道西洋鏡更精
照到衰翁心膽上感恩兩字最分明

題阿雨牕轉運秋林待鶴圖

先生妙德清於雪人不能知鶴能識高軒乘罷坐秋林待鶴歸時如待客鶴若自矜身分高

欲來不來蹲松梢高鳴一聲震九臯洞天髣髴吹笙簫先生吟詩答鶴語揮毫頃刻珠璣吐
一池墨水硯頭流萬朶白雲山上舞我亦婆婆鶴髮翁年來雙翅久矍鑠感公相待殷勤意
千里飛來拜下風

答張船山太史寄懷卽仿其體

我昔弱冠游幽燕於今五十有九年金蘭簿上三千客回頭一顧如飛烟忽然洪太史稚存
誇我得奇士西川張船山槃槃大才子我因猛記當年車笠盟中有思曼年最輕得母與渠
有瓜葛寄聲相問心忤忤蒙君答書禮甚恭道是尊人太守公我如吳通晉路得狐庸又似
宋家掘井忽得翁始知文字因緣勝香火不然兩家天南地北何由逢太守聞之喜動色萬
里馳書道相憶更問當年趙世家可憐蕭瑟無從說謂趙憲父子齋船山養志求親悅勸儂遠踏
峨嵋雪我道君言亦自佳無如老身衰矣精力差星飯水宿愁天涯只望君持旌節江南走
定遣花輿迎太守我當左扶筇右執酒遠迎故人到江口故人見必驚且狂縱談十日猶未
央南山風吹已作地東海沙湧都栽桑古強勸暇莫答舜孟岐摩足扶成王此雖荒言杳渺
無足據後生聽者亦覺奇古非荒唐但怕武夷君高唱人間可哀曲我願太守來同爲劉阮
相徵逐我三到天台但喫胡麻飯便回桃花笑我非仙才倘得髻年好友結伴去或據華頂
或登瓊臺定有羣仙招手相追陪不許兩家兒子高揭零丁來尋覓直待七世以後皤皤二
叟各攜玉女同歸來

附來詩

公八十我三十前世已堪稱父執我庚戌公己未二十三科前後輩人海何茫茫望公如

隔世因緣畢竟緣文字忽枉隨園一紙書纏綿五十年前事五十年前事可知先生不恨
我生遲似將戲語分明寄曾見而翁年少時老親七十顏皤然識公應在庚申前倉山花
柳眉山月兩地而今鬢如雪大江南劍門北天涯聚散無消息何意兒童數首詩重聯音
問如疇昔家書昨夜到都城老親問訊心忤忤喜極翻成譽兒癖敢憑驛使呈先生先生
展牘疑今古定對長江欲飛舞我願先生興發不可收飄然竟作凌雲遊手弄桃枝竹足
濯涪江流老親扶杖迎仙舟白頭對酌麻姑酒髣髴神仙入世同攜手使我西南士女譜
作傳奇傳不朽

貴人出巡歌

一龍上天百蛟舞狐假虎威威勝虎龍虎無心欲害人此輩寧寧爭攫取婢下有婢號重儻
奴外有奴難悉數投鼠忌器隱忍多積習成風人世苦君不見霍家奴欲踢御史門御史跪
奴乞奴恩又不見爾朱僕主人敝衣僕華服與夫兩臂金釧雙身坐高車人側目蜀中男子
張君嗣受人送迎疲欲死人自敬丞相與張無與耳趙儼偶然問服散頃刻藥物堆如山方
知言語正不易捕風捉影生波瀾古來豪貴皆如此此弊於今尤甚矣門外已費千黃金門
內未飲一杯水我戒貴人慎出巡重門洞開休養尊先能察下纔安民不然懸魚墜鹿徒作
僞一琴一鶴能污人

重陽

重陽時節雨昏昏座上黃花笑欲言莫道催租無吏到恐催詩債要敲門

先生名載字坤一嘉興人乾隆丙辰與余同舉鴻博召試保和殿壬申入翰林

官至禮部侍郎予告還家得風痺之疾年八十七而薨

詞科同日賦長楊甲子超超六十霜陶令山中琴早挂郗詵殿上桂初芳屢操文柄無遺彥

兩試江南曾祭堯陵有奏章有辨奏疏四十二人徵士頌伯恭此日倍神傷前歲扁舟訪病

身病中能坐板輿迎扛公在客二婢雖枯半體神猶旺聽說三朝語更清豈料別來成永訣

但留詩在即長生臨風一奠君知否彼此都應老淚傾

題祝芷堂給諫接葉亭圖

記曾接葉亭中住丁巳秋余試鴻詞報罷爲椒園先生權記室事得居此亭彈指於今六十霜倘學麻姑管閒事定談人

世幾滄桑一卷丹青乍捲開依然當日好樓臺分明玉洞桃花發又許漁郎到一回

多少名流在卷中珍珠密字墨猶濃與農大半有瓜葛恍忽靈山會上逢園林到底

仗人傳少宰宮詹兩謫仙添個吾鄉眞御史勝他後漢有三賢兩謫仙湯宮詹少宰張鵬翀

秋非不暖也而草木依然黃落

秋宵如此煖落葉一般飛想見衰翁健終非善者機黃花香色好白髮故人稀笑問倉山鶴

他年歸不歸

重陽苦熱

炎官張繖宴重陽客怕登高汗似漿只有孟嘉秋興好風前落帽不知涼

麗川中丞五十壽詩井序

壽詩非古也古之人隨時可以爲壽詩所稱介壽史書所稱爲某壽者俱不指生日

而言今之人以生日爲壽隔十年而一大慶必有詩文申其頌揚其中有公焉有私焉公者其人之德之才克副所稱如歐公之畫錦堂記是也其私者各有恩知不得不以文報德如高僧智之於高令公是也有公無私則鋪敘陳迹尊而不親有私無公則但可作一家言而不可以供衆覽其他敷衍酬應者更無譏焉枚之以詩壽麗川中丞也其在公與私之間乎枚受公知從皖江始聞人稱公之賢亦從皖江始未幾公遷粵西矣枚到粵西聞賢公者如在皖江也未幾公遷蘇州矣枚到蘇州聞賢公者如在粵西也又未幾公以方伯遷巡撫矣枚在金陵聞賢公者如作方伯時也公如明月在天南北東西照臨如一而枚恰如微星螢火往往附月而飛公之賢久而不變枚之受知則久而愈深初以文字相契繼以縞紵相貽繼而觀過知仁再繼而略形骸忘貴賤衣公之衣眠公之榻坐公之舟或千里相迎或數旬留宿其神交意合光景旁觀者不知其所以然公與枚亦不知其所以然惟其不必然而竟然無所爲而爲之是以天合非以人合也古之英雄愛其人者至於鑄金鑄像報其人者至於摩頂捐軀大率類是哉今當公五十生辰一時士大夫祝釐者道枚必有詩枚自問當有詩即公亦未必不料枚之必有詩也然而枚衰矣才盡氣索何能操禿管美盛德之形容況寂處空山久不與人間事凡公尊主隆民之勲業無從探聽而張皇之只可就其所見者所聞者所身受者學崧高之頌申伯闕宮之祝魯侯韻其詞以獻所以數止於九者亦古人九如稱祝之義也

兩江何處不恩波

公本皖江布政

五十中丞鬢未皤鄧尉剛飛千尺雪吳娘齊唱百年歌生逢冬日

人原愛開到梅花春正多我欲借詩當圖畫將公丰采一描摩
起居八座貴全忘自製

書生印一方書公鑄私印官有廉明皆特薦獄無冤抑不平章心清豈受鹽池染兩署鹽政不

無染獨才大能將海水量勸定黑水聽說東征諸戰士至今挾纊尚盈箱王師征臺時值

千衣三盡撒關防罷采風一生心在水精宮署內盡蘇州鏡懸佛座諸天照月到層霄萬

象空片語詠諸皆妙諦良方小試亦神通醫公精請看絕世聰明處置展安臆總不同曲書應置

烟氣以出月樹風廊曲徑開華堂新構小蓬萊纔聽官鼓參衙畢又弄詩牌喚筆來奴入

蕭家都愛士家夏慶徐賓登孫閣半仙才內幕尤二娛虛湘公餘更試拏雲手一箭穿楊

酒一杯兩詣黃堂泣馮豹蘇州賢守馮巽泉旁觀齊下淚盈盈侯生殘稿關心護侯沈

友孫宰遺孤倒屣迎孫春蟄大抵英雄俱念舊斷無菩薩不多情賓朋風義敦如許何況

恩知答聖明更喜名賢聚一家高陽里第儘堪誇郎君嫵雅非純袴公子在長安小

前手書詩冊命婦慈悲是釋迦眉掃姬姜來問字姬公畫眉詩玉風吹旌節盡生花門庭雍肅經

書滿不數南陽鄧仲華義父賤封特旨頒登時佳話遍長安希文復姓歸宗易趙

武酬恩繼絕難封公生中丞時哀老友塞公無兒巡撫後奏請馳封以次子廣誠嗣養父

俱為孫嘉允上嘉允一點丹心陳帝座兩家紫誥下雲端高風古誼千秋少應作三賢合傳看

十年小草覆卿雲每接清談輒夜分千里仙舟迎郭泰來往蘇杭公幾番絃管醉司勳探

知食性將廚訓代掃秋蚊把帳薰公開蚊雨眼盡赤如此憐才真絕代古來青史少傳聞

鰥生也屆杖朝期額手雲天有所思百歲擁旄應更健十年作相莫嫌遲長江路遠難擎

爵知己恩深易措辭寄語金閨女公子加簽添誦祝爺詩到公書齋見小倉山房詩稿多加

家出課左
嬌女也

書香巖詩後

長繩難繫日西沈尺璧誰能買寸陰病後知饑身始健詩成能悔學才深暫時染指休言味
鎮日淘沙自得金寄語聰明好年少古人甘苦細追尋

筆不老

賦詩如開花開多花必少況我八旬人神思久枯槁可奈索詩人終朝猶剔剔明知未死蠶
抽絲終不了勉強與支吾自慙眞草草何圖良朋來公然齊道好吾斯之未信姑且存其稿
或者五體盡頽唐只有一枝筆不老

左蘭城銀河洗筆圖

左思賦三都留下一枝筆傳家二千年他人不敢竊裔孫蘭城美刻刻詩狂欲上天尙
嫌筆舊色不鮮前身原是漢張騫可以乘槎握管直到銀河邊銀河波濤正浩瀚慣洗壯士
甲兵三百萬忽然文人來洗筆烏鵲牽牛爭欲看君身高立蓬山窪辛勤洗筆如漚麻不許
宿墨留些些直將陳言死句諸毛都伐盡只剩江淹手上燦爛千枝花歸來游吳門得詩若
千首更賦七言律爲我介眉壽我乍讀之心驚猜何處得此眞仙才今朝披此圖齷然笑口
開方知郎君含金吐石諸佳句都在織女機邊長跪乞得來

君與佩香女士
常倡和故調之

再寄和希齋尙書

有序

運河司馬黃小松錄司空與渠札見示云袁簡齋盛世才人琳久思立雪客中攜
小倉山房詩稿朝夕諷誦虔等梵經如親丰采云云余讀之感深次骨且知前寄答

詩尙未收到而公已總督四川故呈二章兼以墨寄

東河司馬寄郇雲讀罷袁絲淚滿巾大漠風沙方報國小倉詩卷總隨身山中樹老開花

少海上琴遙聽曲眞從古名臣雖愛士自甘立雪有何人西川開府駐旌旗早有威名

絕域知諸葛功成籌筆驛嚴公酒置浣花池民扶老弱爭迎佛天與江山好賦詩謹獻隃麋

鐫姓氏也如躬侍染毫時

製墨三十螺寄作芹獻

題尙書西招雜詠詩後

幾行珠玉詠西招一卷新詩即六韜自有輕裘羊叔子不聞鑿戰霍嫖姚甲兵那用天河洗

烽火都從墨浪消更喜臯夔好吟伴同登雪嶺奏鈞韶

謂補山敬齋兩相國瑤園中丞

香亭家居八年忽將赴闕臨行畫烟雲供養圖索題

一山雲氣半山烟供養人間陸地仙莫把阿連貧相也曾消受幾多年忽負初心馬

又馱回頭其奈畫圖何烟雲倘作分家物慚愧賢兄占得多八旬別弟倍綢繆唱到驪

歌便惹愁但陟高岡休悵望雲中知有此翁不

章觀察挂車山丙舍圖

挂車山脈分龍眠層崖複嶂何蟬嫣天爲孝子藏吉兆靈氣蟠結三千年章公素曉青烏術
苦爲慈親謀丙穴一見佳城心了然不須別向山靈乞輿機下窆冥幽宮負土親將馬鬣封
百頃祭田交野衲千株宰樹護春風自從綽楔瀧岡表壻祭歸來心悄悄不能膝下手扶娘
知道墳前誰拔草畫師替寫好雲山當作丁蘭刻木看但使公餘時展卷恍如拜掃勸加餐
扶筇似是含愁立樹影扶疎烟霧歷九原知否畫圖中長有白頭兒侍側老我龍鍾八十身

披圖不覺淚沾巾家離先隴雖然近終愧當年廬墓人

兩親墳離園半里

題朱礪東湖山草堂

花滿庭前竹滿崖此中合住謫仙才一湖浪白風初起七十二峯吹欲來

安放龍威一

卷經天然圖畫付丹青勸君吟句須珍重防有魚龍牕外聽

今春我作洞庭遊小住恩

恩返客舟可惜幽人居未訪空餘清夢繞汀洲

寄懷前杭州太守明希哲先生

有序

先生守杭時余以民禮修謁先生一見如舊相識卽命梧桐袖香二姬受業門下皆國色也次日女弟子會詩湖樓先生代爲治具旋來請覲溫語移時乃騎馬歸以所坐玻璃畫船爲諸閨秀遊山之需少頃使者襜襜然資盛禮來分餉羣仙一時傳頌此舉爲前賢白蘇二公所未有也後一年先生解組還都余心不能忘賦詩寄之

先

生名保滿洲人

昔公五馬杭州駐士女謳歌盈道路山人兩度故鄉游未敢通名謁白傳前年訪友到官齋公竟歡迎早下階纔學趙元叉手揖便招宏景上樓來四株瓊樹當牕立艷比芙蓉清比雪就中兩個女相如學字彈琴年二七主人知我意相傾伏勝剛來好授經教看美女簪花格教聽平沙落鴈聲一樣褰裙齊下拜雙聲同日喚先生我出黃堂公低語先生詩社何時舉可許靈簫匏爵閒雲外飛來許玉斧我道公班南國春夭桃穠李盡沾恩儘可賓雲歌一曲武夷君下見曾孫詰朝小作雲仙會果然鉦響來旌旆欸欸都將姓氏詢娟娟各把門楣對始知班蔡本名家愈信姬姜勝蕉萃

詩會中相公徐文穆公女孫錢典沙方伯女孫泉使二女俱在焉

公去騰身跨紫驢餘

情回首尙勾留讓出畫船張綺席好供彩伴作春游佳人打槳俱欣躍吟詩苦換看山樂野
寺分簪姊妹花行宮同上梳妝閣夕陽游罷各歸家厚貺頒來更拜嘉如意八枝雕碧玉
綺羅十疋爛朝霞金閨分送加珍重隣嫗窺觀皆色動買繡爭將太守描停針擬作甘棠頌
一時佳話遍家鄉管領湖山望正長誰料袁絲歸白下倏驚李泌去錢塘近聞微罪全超雪
偷得閒身弄風月公自東山起有期儂來西笑知無日冉冉韶光歲月徂一場春夢落西湖
不知此叟頽唐態尙有雲鬢記得無

除夕戲作

五旬有九逢除夕生怕雞鳴人六十七旬有九八十逢雞不肯鳴心忡忡祇因自作八十詩
見彈思鶚太豫支有如秀才自認元魁者榜發無名空惹嗤今宵事急矣求雞早開口一聲
膠膠一歲增我便把詩好出手豈徒從此秩膳加常珍兼可公然扶杖朝中走

除夕前一日蒙東浦方伯餽米酒等物

歲暮柴門掩綠苔是誰剝啄鳥聲猜驚傳養老珍羞至恍似陽春頃刻回仁粟先供家廟祭
芳樽剛賞蠟梅開關心更感蕭夫子奴不憐才不遣來

使者程鵬工詩有所稿非筆墨
不受公存問隨園必遣渠至

小倉山房詩集卷三十五終